



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militarivm Ordinvm Origines, Statvta, Symbola, Et Insignia, Iconibus, additis genuinis

Mennens, Frans

Maceratae, 1623

Ordo Sanctæ Mariæ de Mercede, & Redemptione captiuorum apud
Aragonios celebris.

urn:nbn:de:hbz:466:1-10718

petratum est, vt honorem illum in
eiusdem Ferdinandi Regis nomen
transcriberet; quod factum eidem
post annos aliquot, Archiepiscopa-
lis, & Cardinalitæ dignitatis conciliauit insignia, Pontificis quidem au-
ctoritate, at Regis in primis gratia,
atque beneficio. Alexander demum
VI, Leo X. Hadrianus item VI. in
alumni Caroli V. Imp. gratiam, ipsi,
& successoribus tres istos ordines in
omne tempus administrandos tabulis
conditis, concessere.

ORDO MILITVM

*Iesu Christi à Sancto Dominico
contra Albigenses hæ-
reticos institu-
tus.*

INstituti huius initia, & causam
habe ex Antonini Chronico. Cum
partes Tolosanæ, & Lombardiæ ple-
næ essent hæreticis, Dominicus præ-
dicans contra illos dicitur conuertisse
ex illis 100000. Et in adiutorium
sumpsit, quasdam deuotas personas,
quæ corporaliter illos hæreticos gla-
dio materiali expugnarent, quos ipse
gladio verbi Dei amputare non pos-
set, quibus, & tradidit tertium mo-
dum viuendi spiritualem, vltra com-
munem morem laicalem, & citra
statum completæ Religionis: & di-
cebantur tunc *Fratres de militia Beati
Dominici*. Extirpatis demum hæ-
reticis in partibus illis, cum non
oporteret amplius gladio pugnare,
remanserunt in illo modo partim re-
ligioso cum vxoribus suis, quæ mor-
tuis viris continenter viuebant, &
alij vtriusque sexus; viduæ, & vir-
gines, & coniugati illis adhæserunt.
Vocati sunt postea *Fratres, seu Sorores
de Penitentia Beati Dominici*: quo-
rum regulam approbavit Innocen-
tius VI. circa annum Christi 1360.
Et Ioannes XXII. declarauit illos, &
illas non esse intelligendas de numero

1360.

eorum, qui dicuntur in Clement.
*Ad nostram deberet, Begardi, & Be-
gina*. Et Honorius concessit, quod
tempore interdicti possint interesse
diuinis officijs in Ecclesijs Prædica-
torum. Hic ordo neminem adstringit
ad paupertatem, & obedientiam
totaliter.

ORDO SANCTÆ MARIÆ de Mercede, & Redemptione captiuorum apud Ara- gonios celebris.



EO ipso Anno CIO. CC. XVIII.
quo S. Dominicus in Hispaniam
venit, Barcinonæ noua piorum
hominum instituta Sodalitas, nomine
D. Mariæ de Mercede, & de Redem-
ptione captiuorū insignis; quod mul-
ti terra marique à Mauris capti Chri-
stiani, & in seruitutem abacti, vitæ
acerbitate à Christo data fide more-
rentur. Magnum id dedecus Religio-
nis erat, Christiani nominis probrum
maximum; cuius declinandi studio
Iacobus I. Aragoniæ Rex, cognomen-
to Expugnator (tria enim regna, Ba-
learicum, Valentinum, & Murciense
è Saracenorum manibus eripuit) pri-
ma ordinis iecit fundamenta. Gre-
gorius autē Papa IX. Anno post duo-
decima adprobauit, vt Hieronymus
Curita, Blanca, Romanus, Ioannes
Mariana, alijque historiographi Hi-
spani commemorant. Fecit id Iaco-
bus

Io. Maria
na ann.
1218.

1230.

bus Rex, seu voti reus, vt quidam scribunt, quod Montione in Gallia, dum captiuus instar à Simone Comite Montfortio teneretur, Virgini Matri nuncuparat: seu vsu edoctus, quam misera captiuorum conditio, quamq; deplorandus eorum status foret, quibus barbari adeò seueras leges, & iugum imponerent. Vfus est autem hac in re consilio Raymundi Pennafortij Monachi Dominicanus, qui à sacris illi confessionibus erat; itemq; Petri Nolasci viri nobilis Galli è dicecesi Sancti Pauli oriundi. Raymundum hunc nostra memoria Clemens VIII. Diuorum numeris adscripsit: fuit vir admodum eruditus, vt libri quinque decretalium epistolarum ab ipso digesti, & varia ingenij monumenta, annis superioribus Romæ edita comprobant. Cæterum Nolascus secundum Regem Iacobum nascenti familiæ Ducem se præbuit, eandemque optimis legibus temperauit. Idem Barcinonæ in Cathedrali S. Crucis Basilica, coram eodem Rege, itemq; Raymundo Pennafortio, & regni proceribus, vestem candidam religionis nota insignem, de manu Berengarij Palauicini Episcopi Barcinonensis suscepit. Est autem religiosi huius ordinis nota, seu tessera (quam Rex ipse manu propria sodalibus distribuit) Crux argentea D. Eulaliæ Barcinonensis rubro in clypeo, gentilicij Cataloniæ principum insignibus (quæ aureo scuto quatuor tenijs, seu palis, vt facialibus placet, puniceis virgato, præfulgen; & exinde cum Raymundo Berengarijs regnum Aragoniæ dotali iure adeptus est, Regibus Aragonijs propria, manserant) superimposita. Ipsis porrò mercenarij sodalibus incumbit corrogatis eleemosynis stipem colligere, Christianos homines à Saracenis, Mauris, alijsque barbaris captos, aut in seruitutem abductos redimere pristinaque libertati restituere, & discriminis ergò ad memorata insignia præsertam, siue limbum aureum cum fascia aurea inymbonis medio præferre.

Sunt autem duplicis generis in hac familia Sodales. Alij milites, siue Equites; alij monachi: vtriusque vnus hodie præest magister generalis, Barcinonæ residens, & quidem Sacerdos; idque ex decreto Clementis V. & Ioannis XXII. Pontificum Romanorum, etsi suum olim singuli habuerint præfectum, ac moderatorem. Regulam Sancti Augustini à Gregorio IX. ipsis præscriptam fuisse, Hieronymus Romanus, alijsque referunt. Nec mirum, cum initia sua Raymundo Pennafortio Dominicano (cuius ordinis Sodales eandem regulam sequuntur) familia ista mercenariorum, magna ex parte debeat, vt supra commemorauimus. Arnoldus VVionus tradit Milites hodie mercenarios secundum regulam Sancti Benedicti viuere, idque ex solenni professionis ipsorum formula sibi constare ait, quod alijs rerum Hispanicarum magis peritis discutiendum relinquo.

Cæterum dum in Hispania versaremur contigit nobis coram aliquando non exiguum captiuorum seruitute, exemptorum numerum magno nostro gaudio spectare, & solenni supplicatione ipsis subsequenter mercenariis, & ab Equitibus libertati restitui, ad propriaque subministrato viatico decenter remitti; quod non sine magno Christiani nominis bono tam laudabile institutum ijs in partibus auctum fateamur necesse est, adeoque id Martinus V. & Nicolaus IV. Pontifices tabulis suis inter austeriores, excepto Carthusiensem, ordines commemorauere: quod eius sequaces, quancumque periculum esset, fidem per captiuos, ob intolerabile Saracenorum iugum, abnegatam iri, eorum se loco sistere exoptant, donec Redemptionis pretium sit persolutum.

ORDO

Hier. Curi
Gali. I. Rev.
Arog.

Insignia
Equitum.